

DESTRON TABLET

Granisetron Hydrochloride 1mg

Apakah yang ada pada risalah ini

1. Apakah kegunaan Destron Tablet
2. Bagaimana Destron Tablet berfungsi
3. Sebelum mengambil Destron Tablet
4. Cara menggunakan Destron Tablet
5. Semasa menggunakan Destron Tablet
6. Kesan-kesan sampingan
7. Cara penyimpanan dan pelupusan Destron Tablet
8. Maklumat lanjut
9. Pengilang dan Pemegang Pendaftaran Produk
10. Tarikh kemas kini RiMUP

Apakah kegunaan Destron Tablet

Destron Tablet mengandungi bahan aktif granisetron 1mg.

Destron Tablet digunakan untuk mencegah dan menghentikan anda rasa mual (loya) atau muntah-muntah. Secara khusus, ia berguna apabila anda perlu menjalani rawatan perubatan yang boleh menyebabkan anda rasa mual, loya atau muntah-muntah, seperti kemoterapi atau radioterapi.

Bagaimana Destron Tablet berfungsi

Granisetron tergolong dalam kumpulan ubat yang dipanggil penyekat 5-HT₃. Ia bertindak dengan menyekat salah satu bahan semula jadi tubuh (*serotonin*) yang boleh menyebabkan muntah-muntah.

Sebelum menggunakan Destron Tablet

- Bila tidak boleh menggunakan

Jangan ambil Destron Tablet sekiranya anda alah kepada:

- sebarang ubat yang mengandungi granisetron
- apa-apa bahan yang disenaraikan di penghujung risalah ini.

Jangan ambil Destron Tablet selepas tarikh luput yang tertera pada pek atau sekiranya bungkusan koyak atau menunjukkan tanda-tanda ia dibuka.

- Sebelum menggunakan Destron Tablet

Sebelum anda mengambil Destron Tablet, beritahu doktor atau ahli farmasi jika:

- anda mengalami tanda-tanda usus tersumbat.
- anda mengalami masalah jantung yang berkaitan dengan perubahan dalam rentak atau kadar denyutan jantung anda

- anda hamil atau merancang untuk hamil atau sedang menyusui.

Doktor anda boleh berbincang bersama anda tentang risiko dan manfaat pengambilan Destron Tablet sekiranya anda hamil atau menyusui.

- anda mengalami masalah keturunan gula intoleransi yang jarang jumpa *galactose intolerance*, *lactase deficiency* atau *glucose-galactose malabsorption*.

- anda pernah menggunakan Destron dan anda rasa tidak sedap badan. Sebaliknya, anda mungkin perlu diberi ubat lain.

Jika anda tidak pasti sama ada mana-mana di atas dialami oleh anda, berbincang dengan doktor atau ahli farmasi anda sebelum mengambil Destron Tablet.

- Jika mengambil ubat-ubat lain

Beritahu doktor jika anda mengambil sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Sesetengah ubat dan Destron Tablet boleh mengganggu antara satu sama lain. Ubat-ubat tersebut termasuk:

- *Phenobarbitone* iaitu ubat yang digunakan untuk merawat epilepsi. *Phenobarbitone* mungkin terjejas oleh Destron Tablet atau boleh menjejaskan keberkesanan Destron Tablet.

Jika anda tidak pasti sama ada mana-mana di atas dialami oleh anda, berbincang dengan doktor atau ahli farmasi anda sebelum mengambil Destron Tablet.

Cara menggunakan Destron Tablet

- Berapa banyak harus digunakan

Ikut arahan doktor atau ahli farmasi anda dengan teliti. Ia mungkin berbeza dari maklumat di dalam risalah ini.

Jika anda tidak memahami arahan pada label ubat anda, sila rujuk kepada doktor atau ahli farmasi.

Kemoterapi

Bagi rawatan dan pencegahan rasa loya dan muntah-muntah yang dikaitkan dengan kemoterapi, dos biasa untuk orang dewasa ialah 1 tablet dua kali sehari atau 2 tablet sekali sehari sehingga satu minggu susulan kemoterapi.

Dos pertama Destron Tablet perlu diambil dalam masa 1 jam sebelum permulaan rawatan.

Radioterapi

Bagi rawatan dan pencegahan rasa loya dan muntah-muntah yang dikaitkan dengan radioterapi, dos Destron Tablet biasa untuk orang dewasa ialah 2 tablet sekali sehari sehingga satu minggu susulan radioterapi.

Dos pertama Destron Tablet perlu diambil dalam masa 1 jam sebelum permulaan rawatan radioterapi.

- Bila perlu digunakan

Ambil ubat anda pada kira-kira masa yang sama setiap hari.

Pengambilan ubat pada masa yang sama setiap hari akan memberikan kesan terbaik. Ia juga akan membantu anda mengingati waktu untuk mengambilnya.

Anda boleh mengambil ubat ini sebelum atau selepas makan.

- Berapa lama perlu digunakan

Teruskan penggunaan ubat ini untuk tempoh masa yang ditetapkan oleh doktor anda.

Doktor anda akan memaklumkan anda bila rawatan anda perlu dihentikan.

- Cara pengambilan

Telan tablet dengan segelas air penuh. Jangan hancurkan atau kunyah tablet.

- Jika anda terlupa menggunakan

Rujuk kepada doktor atau ahli farmasi anda tentang apa yang perlu dilakukan jika anda terlupa menggunakan ubat ini.

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos

DESTRON TABLET

Granisetron Hydrochloride 1mg

Risalah Maklumat Ubat untuk Pengguna (RiMUP)

terlepas dan tunggu untuk mengambil dos seterusnya pada masa biasa.

Jangan ambil dos berganda untuk menggantikan dos yang tertinggal.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Destron Tablet

- Perkara yang perlu dilakukan

- Ambil ubat anda mengikut arahan doktor.
- Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Destron Tablet.
- Jika anda akan mula mengambil ubat baru, ingatkan doktor dan ahli farmasi anda yang anda sedang mengambil Destron Tablet.
- Beritahu doktor dengan segera jika anda menjadi hamil semasa mengambil ubat ini.
- Maklumkan doktor anda sekiranya atas apa jua sebab, anda tidak mengambil ubat anda dengan tepat seperti yang telah ditetapkan. Jika tidak, doktor anda mungkin beranggapan rawatan tersebut tidak berkesan dan menukar rawatan anda.
- Maklumkan doktor anda sekiranya anda rasa yang tablet tersebut tidak membantu menyelesaikan masalah anda.
- Pastikan untuk mematuhi semua temu janji dengan doktor anda supaya perkembangan anda boleh diperiksa.

- Perkara yang tidak boleh dilakukan

- Jangan berhenti mengambil ubat ini kecuali diarahkan oleh doktor anda.

- Jangan mula mengambil sebarang ubat baru tanpa berbincang dengan doktor atau ahli farmasi anda.

- Jangan berkongsi Destron Tablet dengan sesiapa, walaupun mereka mempunyai simptom atau penyakit yang sama.

- Jangan ambil Destron untuk merawat masalah lain kecuali dibenarkan oleh doktor anda.

- Jangan berhenti mengambil ubat anda atau mengurangkan dos tanpa merujuk kepada doktor terlebih dahulu.

- Perkara yang perlu diberi perhatian

Berhati-hati semasa memandu atau mengendalikan mesin/jentera sehingga anda tahu bagaimana Destron Tablet menjejaskan anda.

Kesan-kesan sampingan

Ubat ini membantu hampir semua orang yang mengalami rasa loya dan muntah-muntah tetapi ia mungkin mendatangkan kesan sampingan yang tidak diingini pada segelintir orang. Semua ubat boleh mendatangkan kesan sampingan. Kadang-kadang ianya serius tetapi selalunya ia tidak serius. Anda mungkin perlu rawatan perubatan sekiranya anda mengalami sebahagian daripada kesan sampingan tersebut.

Jangan terkejut dengan senarai kesan sampingan tersebut. Anda mungkin langsung tidak mengalaminya.

Maklumkan doktor atau ahli farmasi anda sekiranya anda perasan mana-mana kesan sampingan yang berikut:

- sakit kepala
- sembelit

Senarai di atas merangkumi kesan sampingan ubat anda yang lebih biasa berlaku.

Jika apa-apa yang berikut berlaku, maklumkan doktor anda dengan segera atau pergi ke Bahagian Kemalangan dan Kecemasan di hospital berhampiran anda:

- Perubahan dalam denyutan jantung anda
- Rasa pening teruk atau pita

- Gejala-gejala tindak balas alahan misalnya sesak nafas, semput (berdehit) atau kesukaran bernafas; bengkak pada muka, bibir, lidah atau bahagian badan yang lain; ruam, gatal-gatal, geligata pada kulit.

Senarai di atas termasuk kesan sampingan yang amat serius. Anda mungkin perlu diberi rawatan perubatan segera atau dimasukkan ke hospital. Kesan sampingan tersebut jarang berlaku.

Jika sebarang kesan sampingan didapati serius, atau jika anda mengalami apa-apa kesan sampingan yang tidak disenaraikan di dalam risalah ini, sila beritahu doktor atau ahli farmasi anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Destron Tablet

- Penyimpanan

Jauhi semua ubat daripada kanak-kanak.

Simpan di bawah suhu 30°C. Lindungi daripada cahaya.

Jangan mengambil tablet selepas tarikh tamat tempoh yang ditunjukkan di atas pek dan blister.

- Pelupusan

Ubat-ubatan tidak harus dilupuskan melalui air buangan atau sisa isi rumah. Rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Tablet berwarna putih hingga hampir putih, salut selaput berbentuk segi tiga dan dengan tertera 'G1' pada satu muka dan kosong pada satu muka.

- Bahan-bahan kandungan

- Bahan aktif
Granisetron 1mg

DESTRON TABLET

Granisetron Hydrochloride 1mg

Risalah Maklumat Ubat untuk Pengguna (RiMUP)

- Bahan tidak aktif

Lactose monohydrate, microcrystalline Cellulose, Starch, Sodium Starch Glycolate, Colloidal Silicon Dioxide, magnesium Stearate, Opadry white dan purified water.

- Nombor MAL

MAL20116016AZ

Pengilang dan Pemegang Pendaftaran Produk

Pharmaniaga Manufacturing Berhad
(198001006232),
No. 11A, Jalan P/1, Kawasan Perusahaan
Bangi, 43650 Bandar Baru Bangi,
Selangor Darul Ehsan, Malaysia.

Tarikh kemas kini RiMUP

10/6/2024

Nombor Siri

NPRA (R2) 19/193